

Čisti bh. kisik za zdravlje građana

“POZNATO JE DA JE ZENICA zagađen grad, a mi prodajemo čiste plinove i doprinosimo očuvanju životne sredine, jer naša postrojenja ne emitiraju štetne plinove u atmosferu. Vrlo je važno naglasiti da je fabrika u Zenici u pogledu korištenja tehnologija ‘čista’“

Razgovarala: **Aida STARČEVIĆ**
(aida.starcevic@magazinglobal.ba)

Kada najveći svjetski proizvođač industrijskih plinova na svom putu ulaganja ne zaobiđe Bosnu i Hercegovinu, unatoč svim birokratsko-pravnim preprekama, to bi trebao biti pozitivan signal za sve.

Messer grupa je renomirana internacionalna porodična kompanija s tradicijom od 112 godina koja je na bosanskohercegovačko tržište ušla 1997. kreirajući pogodan ambijent za proizvodnju, snabdijevanje i distribuciju potrebnih plinova za razne grane industrije i privrede. Ulažući u domaće kapacitete, ljude i tehnologiju, Messer u Bosni i Hercegovini dostiže kulminaciju razvoja otvarajući krajem 2009. godine postrojenje za razlaganje zraka u Zenici. Ova investicija vrijedna 20 miliona eura spada u najveće strane poticaje domaćoj ekonomiji u poslijeratnom periodu.

S obzirom na ovu važnu činjenicu koja može, nadamo se, motivirati i druge strane investitore da ulažu ovdje, razgovarali smo s generalnim direktorom Messer BH Gasa Valentinom Ilievskim o dugoročnoj strategiji razvoja kompanije u Bosni i Hercegovini.

● **GLOBAL: Kako Messer grupa, koja ulaže u svoje firme diljem svijeta više od 200 miliona eura godišnje, vidi razvoj svoje kompanije u Bosni i Hercegovini?**

ILIEVSKI: Messer ulaže danas za sigurnije sutra. Stoga nam, kad

uđemo na neko novo tržište, nije najvažniji profit koji će neminovno doći kad napravimo atmosferu pogodnu za razvoj i stabilnost. Messer u BiH nastavlja sa širenjem svojih postojećih aktivnosti, otvara nova tržišta, modernizira svoje proizvodne i distributivne kapacitete i investira u nove projekte. Nama je, pored svega, važno da svako naše ulaganje bude ulaganje u zemlju i njene mlade obrazovane kadrove.

● **GLOBAL: Koliko BiH dobija vašim ulaskom na ovo tržište?**

ILIEVSKI: Osim snabdijevanja ArcelorMittala i drugih bh. proizvođača argonom i kisikom, iz postrojenja razlagaonice zraka u Zenici industrijski plinovi se

izvoze i na inozemna tržišta. Naprimjer, naše proizvode izvozimo u Hrvatsku, Sloveniju, Mađarsku i Austriju. Taj izvoz nije značajan samo za nas nego i za državu, jer od tog izvoza država dobija direktan devizni priliv. Na taj način se u ovom segmentu poslovanja BiH može smatrati izvoznom zemljom. Dodatnu sigurnost za kupce predstavlja i to što je snabdijevanje plinovima sigurno i što su industrijski plinovi proizvedeni u BiH jednakog kvaliteta kao i oni koji se proizvode u zapadnoj Evropi. Messer je dodatno investirao u najsavremenije postrojenje analizatora za kisik i argon kako bi se kvalitet naših industrijskih plinova dugoročno održao.

● **GLOBAL: S fabrikom u Zenici riješili ste snabdijevanje plinovima proizvodnih pogona nekadašnje Željezare, danas ArcelorMittala. Šta to znači za obje strane, a šta za Zenicu, koja je pritisnuta aerozagađenjima?**

ILIEVSKI: Poznato je da je Zenica zagađen grad, a mi prodajemo čiste plinove i doprinosimo očuvanju životne sredine, jer naša postrojenja ne emitiraju štetne plinove u atmosferu. Vrlo je važno naglasiti da je fabrika u Zenici u pogledu korištenja tehnologija ‘čista’. Nema, dakle, nikakvih zagađenja ni štetnih utjecaja na okolinu. Osnovna sirovina je zrak, a proizvodi su sastavni dijelovi zraka: kisik, argon i azot.

● **GLOBAL: Kakvi su vaši rezultati u protekloj recesijskoj godini?**

PREOPTEREĆENJE ADMINISTRACIJE

BiH je sjajna lokacija za investicije

ILIEVSKI: Stranim investitorima je neshvatljivo da neki procesi u BiH prilikom otvaranja firmi traju po pet ili deset godina, to je sve zbog preopterećenja administracije. Kada BiH riješi ovaj problem, strano investiranje će ići mnogo brže. BiH je sjajna privredna lokacija za zapadnu Evropu i tu povlasticu treba iskoristiti.

“U ovome trenutku kompanija upošljava više od stotinu”



● *Messer ulaže danas za sigurnije sutra*

ILIEVSKI: Mi u Messeru smo ovu veliku svjetsku ekonomsku krizu vidjeli kao šansu da podignemo opći nivo naše osposobljenosti, da radimo kvalitetnije i brže, dajući maksimalnu podršku našim kupcima. Ta nas je poslovna logika dovela do dobrih rezultata. Naš je profit u prošloj godini porastao zbog činjenice da s vlastitom proizvodnjom u BiH više nema troškova carina, distribucije, marže, itd.

● **GLOBAL: Vrlo ste ambiciozno krenuli i u 2010. godinu; osposobili ste centar u Rajlovcu, u kojem se nalaze upravna zgrada, prodaja i distribucija. Kojim kapacitetima još raspoložuje Messer u BiH?**

ILIEVSKI: U BiH trenutno djeluju tri društva, i to Messer BH Gas, Messer Sarajevo Plin i Messer Mostar Plin, čije je upravno središte u Rajlovcu. Messer u BiH trenutno raspoložuje dvama proizvodnim postrojenjima, u Zenici i Lukavcu, ima tri punionice i četiri distributivna centra. U ovome trenutku kompanija upošljava više od stotinu ljudi različitih kvalifikacija koji prolaze stalne obuke za rad najsavremenijim informacionim tehnologijama. U pogonu u Zenici ciljano smo uposlili mlade inženjere kojima je ovo prvi posao u životu radi perspektive razvoja tog posla.

● **GLOBAL: U svojim info-materijalima ističete da ste prijatelj zdravlja. U čemu se to očituje?**

ILIEVSKI: U tome što proizvodimo ono što pomaže čovjeku i

“U BiH trenutno djeluju tri društva, i to Messer BH Gas, Messer Sarajevo Plin i Messer Mostar Plin, čije je upravno središte u Rajlovcu. Messer u BiH trenutno raspoložuje dvama proizvodnim postrojenjima, u Zenici i Lukavcu, ima tri punionice i četiri distributivna centra“

poboljšava njegovo ukupno zdravlje. Messer raspoložuje vlastitom tehnologijom primjene plinova u oblastima prečišćavanja vode za piće i zamrzavanja i čuvanja hrane, u ribnjacima, vinogradima, kod gaziranja pića i pakovanja negaziranih tečnosti, u staklenicama, tretmanu otpadnih voda, reciklaži otpadnih materijala, itd.

LOKACIJA U
RAJLOVCU

Analitika specijalnih plinova

● **GLOBAL: Šta je to novo što će tržištu ove godine ponuditi vaša kompanija?**

ILIEVSKI: Na lokaciji u Rajlovcu planiramo napraviti centar analitike za specijalne plinove kao što su prehrambeni plinovi koji bi se do jeseni ove godine trebali naći na našem tržištu. Taj proizvodni proces želimo otpočeti što prije jer se ovi plinovi proizvode u susjednim zemljama Hrvatskoj i Srbiji i odatle uvoze u BiH.

● **GLOBAL: Najavili ste da će uskoro i naši građani biti u mogućnosti doći do prijeka potrebnog medicinskog kisika?**

ILIEVSKI: Medicinski kisik je lijek i tako ga treba tretirati. Međutim, za njegovu proizvodnju potrebna je registracija, a to je proces koji smo otpočeli ove godine i vjerujem da ćemo ga završiti do 2011. Mnoge države na Zapadu odavno primjenjuju Messerov koncept kućne njege medicinskim kisikom, koji će, nadam se, uskoro zaživjeti i u BiH. Riječ je o pomoći bolesnicima koji mogu primati kisik u svom domu, a ne u bolnici.

Na ovaj će način i bolnice uštedjeti značajna sredstva, a svi bolesnici moći će za male novce dobiti lijek na svoju adresu. Također, svako ko osjeća potrebu može putem specijalnih boca udisati kisik određeno propisano vrijeme. To danas upražnjavaju mnoge svjetske zvijezde, biznismeni, ali i svi ljudi koji su pod svakodnevnim stresom. ●

ljudi različitih kvalifikacija koji prolaze stalne obuke“